

ऋतव॒ स्थेति॑ । ऋतवो॒ ह्येता॒ ऋतावृ॒ध इति॑ सत्यवृ॒ध इत्येतदु॒ध्वा स्थ॑ ऋतावृ॒ध
 इत्यहो॒रात्राणि॑ वाऽइ॒ष्टका॑ ऋतुषु॒ वाऽअहो॒रात्राणि॑ तिष्ठन्ति धृतश्रुतो मधुश्रुत
 इति तदे॒ना धृतश्रुतश्च॑ मधुश्रुतश्च कुरुते ॥ १८ ॥ विरा॒जो ना॒मेति॑ । एतद्वै दे॒वा
 एता॑ इ॒ष्टका॑ ना॒मभिरु॒पाह्वयन्त॑ यथा-यथै॒ना एतदा॑चक्षते ता ए॒नानभ्युपा॑वर्तन्ताथ
 लोकम्पृ॒णा एव॑ प॒राच्यस्तस्युर॑हितनाम्नो नि॒मेमि॒हृत्यस्ता॑ विरा॒जो ना॒माकुर्व॑त
 ता ए॒नानभ्युपा॑वर्तन्त तस्माद्द॒श-दशे॑ष्टका उप॒धाय॑ लोकम्पृ॒णयाभि॑मन्त्रयते तदे॒ना
 विरा॒जः कुरुते॑ द॒शाक्षरा॑ हि वि॒राट् काम॑दु॒घा अ॒क्षीय॑माणा इति तदे॒नाः काम॑
 दु॒घा अ॒क्षीय॑माणाः कुरुते ॥ १९ ॥ अथैनं॑ वि॒कर्ष॑ति । मण्डू॒केना॒वकया॑ वेतसशा॒
 ख्यैतद्वाऽए॒नं दे॒वाः शतरु॑द्रियेण चा॒द्विश्च॑ शमयित्वा शुचमस्य पा॒प्मानम॑पहृत्या
 थैनमे॒तद्भूय॑ ए॒वाशम॑यंस्तथै॒वैनम॑यमे॒तद्भूतरु॑द्रियेण चा॒द्विश्च॑ शमयित्वा शुचमस्य पा॒
 प्मानम॑पहृत्याथैनमे॒तद्भूय॑ ए॒व शम॑यति सर्वतो वि॒कर्ष॑ति सर्वत ए॒वैनमे॒तद्भूय॑ति
 ॥ २० ॥ यद्वै॒नं वि॒कर्ष॑ति । एतद्वै यत्रै॒तं प्रा॑णा ऋषयोऽग्रेऽग्नि॒ऽसम॑स्कुर्वंस्तमद्वि॒
 र्वोक्षं॑स्ता आपः समस्कन्दंस्ते मण्डू॒का अ॒भवन् ॥ २१ ॥ ताः प्र॒जाप॑तिमब्रुवन् ।
 यद्वै नः कम॒भूद्वाक्ता॒दगा॑दिति सोऽब्रवी॒दिष॑ व एतस्य व॒नस्प॑तिर्वे॒त्त्विति॑ वेत्तु
 संवेत्तु सोऽह॒ वै तं वे॒तस॑ इत्या॒चक्ष॑ते परोऽक्षं परोऽक्षकामा हि दे॒वा अथ॑ य-
 दब्रुवन्नु॒वाङ्गः॑ कमगा॑दिति ता अ॒वाक्का॑ अ॒भवन्नु॒वाक्का॑ ह॒ वै ता अ॒वका॑ इत्या॒च-
 क्ष॑ते परोऽक्षं परोऽक्षकामा हि दे॒वास्ता॒ ह्येता॒स्त्रय॑ आपो यन्मण्डू॒कोऽव॑का वे-
 तसशा॒ख्यैता॒भिरे॒वैनमे॒तत्तृयी॑भिरद्विः शमयति ॥ २२ ॥ यद्वै॒नं वि॒कर्ष॑ति । ज्ञाय॑त
 ऽए॒ष एतद्य॑च्चीयते स ए॒ष सर्व॑स्माऽअ॒न्नाय॑ ज्ञायते सर्व॒म्वेत॑दन्नं यन्मण्डू॒कोऽव॑का
 वे॒तसशा॒खा प॑शवश्च ह्येता आपश्च व॒नस्प॑तयश्च सर्वेणै॒वैनमे॒तद॑न्नेन प्रीणाति
 ॥ २३ ॥ मण्डू॒केन॑ पशूनाम् । तस्मान्मण्डू॒कः प॑शूना॒मनु॑पजीवनीयतमो या॒तया॑मा
 हि सोऽव॑काभिरपां तस्माद॒वका॑ अपा॒मनु॑पजीवनीयतमा या॒तया॑म्यो हि ता वे-